



新詩

林彥助

民國二十九年生

大學肄業

現職／

茂齋詩書畫專修塾主持人

曾發表／

「林彥助師生詩書畫集」

「絲路行旅」等

茂齋詩詞選

古典詩組第三名

林彥助

天山躍馬

逸興西疆試馬騎，追風我不讓胡兒。
揚鞭遙指雲峰處，神嘯天山萬里馳。

歸農

青笠短衣裙，牽牛背荷鋤。
西疇香黍稻，東畝結瓜蒞。
野店童沽酒，市廛婦買魚。
葛民常鼓腹，落日照村墟。

燕子湖閒吟

燕子湖濱結草廬，遠離塵世樂安居。
香魚鮮美常提網，野菜芳甘自荷鋤。
炎日風迎修竹舞，寒冬雪傲老梅舒。
鄰翁相聚時沽酒，晝永多閒即讀書。

淡海觀濤

狂濤萬頃湧平沙，潔羽群鷗戲水涯。
遠嶼揚波鳴岸石，輕風動渚舞蘆花。
游鱗逐浪迴磯急，倦鳥穿霞落日斜。
極目海天窮一色，燈光遙處是漁家。

大酺 莫高窟

瑞靄祥光，三摩地，顯露莊嚴金相。
鸞笙開碧宇，玉管揚清徵，天音豪放。
花散繽紛，長綾綺彩，鳳輅乘雲來降。
婀娜飛仙女，九霄迴旋舞，羽衣飄晃。
寂滅證因由，迷津引渡，啓明皈向。
妙容能仰望。乞阿耨，靈相垂垂峰嶂。
闢岩峒，巍巍宗匠。
一切如來，繪浮圖，塑身雕像。
日夕虔供養。諸羅漢，雄威端壯。
大菩薩，慈心漾。
千尊千聖，澤化娑婆無量。
法輪昌恒達暢。